

集部輯佚文獻彙編

翟金明

主編



國家圖書館出版社

79

集部輯佚文獻彙編

79

中華書局影印

論衡 卷之五

(南朝梁)武帝蕭衍撰 (明)張燮輯

梁武帝御製集十二卷附錄一卷

(卷十二附錄)

明天啓崇禎刻《七十二家集》本

第七十九冊目錄

別集(七十九)

南朝梁(十三)

梁武帝御製集十二卷附錄一卷(卷十二附錄) (南朝梁)武帝蕭衍撰 (明)張燮輯

卷十二 一

附錄 四三

梁武帝集 (南朝梁)武帝蕭衍撰 (明)葉紹泰輯 一三九

武帝 (南朝梁)武帝蕭衍撰 (清)嚴可均輯 一五七

梁武帝集八卷 (南朝梁)武帝蕭衍撰

本紀 三三五

目錄 三三九

卷一 三六一

卷二 三七七

卷三		三九七
卷四		四一五
卷五		四三五
卷六		四五三
卷七		四七九
卷八		四九七
武帝 (南朝梁)武帝蕭衍撰 丁福保輯		五一七
王筠 (南朝梁)王筠撰 (明)馮惟訥輯		五四二
王詹事集二卷附錄一卷 (南朝梁)王筠撰 (明)張燮輯		五六五
題詞		五七一
目錄		五八一
卷一		六〇七
卷二		六三九
附錄		六五九
王筠 (南朝梁)王筠撰 (清)嚴可均輯		六七一
王筠 (南朝梁)王筠撰 丁福保輯		六七一

梁武帝御製集卷之十二

梁高祖武皇帝蕭衍著

文

斷酒肉文 一

弟子蕭衍敬白諸大德僧尼諸義學僧尼諸寺
三官夫匡正佛法是黑衣人事迺非弟子白衣
所急但經教亦云佛法寄囑人主是以弟子不
得無言今日諸僧尼開意聽受勿生疑閉內懷
忿異凡出家人所以異於外道者正以信因信

果信經所明信是佛說經言行十惡者受於惡
報行十善者受於善報此是經教大意如是若
出家人猶嗜飲酒噉食魚肉是則爲行同於外
道而復不及何謂同於外道外道執斷常見無
因無果無施無報今佛弟子酣酒嗜肉不畏罪
因不畏苦果卽是不信因不信果與無施無報
者復何以異此事與外道見同而有不及外道
是何外道各信其師師所言是弟子言是師所
言非弟子言非涅槃經言迦葉我今日制諸弟

予不得食一切肉而今出家人猶自噉肉戒律
言飲酒犯波夜提猶自飲酒無所疑難此事違
於師教一不及外道又外道雖復邪僻持牛狗
戒旣受戒已後必不犯今出家人旣受戒已輕
於毀犯是二不及外道又外道雖復五熱炙身
投淵赴火窮諸苦行未必皆噉食眾生今出家
人噉食魚肉是三不及外道又外道行其異學
雖不當理各習師法無有覆藏今出家人噉食
魚肉於所親者乃自和光於所疎者則有隱避

如是爲行四不及外道又外道各宗所執各重其法乃自高聲大唱云不如我道真於諸異人無所忌憚今出家人或復年時已長或復素爲物宗噉食魚肉極自艱難或避弟子或避同學或避白衣或避寺官懷挾邪志崎嶇覆藏然後方得一過噉食如此爲行五不及外道又復外道直情逕行能長已徒衆惡不能長異部惡今出家人噉食魚肉或爲白衣弟子之所聞見內無慚愧方飾邪說云佛教爲法本存遠因在於

卽日未皆悉斷以錢買肉非已自殺此亦非嫌
白衣愚癡聞是僧說謂真實語便復信受自行
不善增廣諸惡是則六不及外道又外道雖復
非法說法法說非法各信經書死不違背今出
家人噉食魚肉或云肉非已殺猶得自噉以錢
買肉亦復非嫌如是說者是事不然涅槃經云
一切肉悉斷及自死者自死者猶斷何況不自
死者楞伽經云爲利殺衆生以財網諸肉二業
俱不善死墮呌呼獄何謂以財網肉陸設置罟

水設網罟此是以網網肉若於屠殺人間以錢
買肉此是以財網肉若令此人不以財網肉者
習惡律儀捕害衆生此人爲當專自餬口亦復
別有所擬若別有所擬向食肉者豈無殺分何
得云我不殺生此是灼然違背經文是七不及
外道又復外道同其法者和合異其法者苦治
令行禁止莫不率從今出家人或爲師長或爲
寺官自開酒禁噉食魚肉不復能得施其教戒
裁欲發言他卽譏刺云師向亦爾寺官亦爾心

懷內熱默然低頭面赤汗出不復得言身既有
瑕不能伏物便復摩何直爾止住所以在寺者
乖違受道者放逸此是八不及外道又外道受
人施與如已法受鳥戒人受鳥戒施受鹿戒人
受鹿戒施鳥戒人終不覆戒受鹿戒施鹿戒人
終不覆戒受鳥戒施今出家人云我能精進我
能苦行一時覆相誑諸白衣出卽飲酒開婬惡
門入卽噉肉集衆苦本此是九不及外道又外
道雖復顛倒無如是衆事酒者是何臭氣水穀

失其正性成此別氣衆生以罪業因緣故受此
惡觸此非正直道法亦非甘露上味云何出家
僧尼猶生耽嗜僧尼授白衣五戒令不飲酒令
不妄語云何翻自飲酒違負約誓七衆戒八戒
齋五篇七聚長短律儀於何科中而出此文其
餘衆僧故復可至學律者彌不宜爾且開放
逸門集衆惡本若白衣人甘此狂藥出家人猶
當訶止云某甲汝就我受五戒不應如是若非
受戒者亦應云檀越酒是惡本酒是魔事檀越

今日幸可不飲云何出家人而應自飲尼羅浮
陀地獄身如段肉無有識知此是何人皆飲酒
者出家僧尼豈可不深信經教自棄正法行於
邪道長喪惡根造地獄苦習行如此豈不內愧
猶服如來衣受人信施居處塔寺仰對尊像若
飲酒食肉如是等事出家之人不及居家何故
如是在家人雖飲酒噉肉無犯戒罪此一不及
居家人在家人雖復飲酒噉肉各有丘窟終不
以此仰觸尊像此是二不及居家人在家人雖

復飲酒噉肉終不吐泄寺舍此是三不及居家
人在家人雖復飲酒噉肉無有譏嫌出家人若
飲酒噉肉使人輕賤佛法此是四不及居家人
在家人雖復飲酒噉肉門行井竈各安其鬼出
家人若飲酒噉肉臭氣熏蒸一切善神皆悉遠
離一切衆魔皆悉歡喜此是五不及居家人在
家人雖復飲酒噉肉自破財產不破他財出家
人飲酒噉肉自破善法破他福田是則六不及
居家人在家人雖復飲酒噉肉皆是自力所辦

出家人若飲酒噉肉皆他信施是則七不及居
家人在家人雖復飲酒噉肉是常業更非異事
出家人若飲酒噉肉裒魔外道各得其便是則
八不及居家人在家人雖復如此飲酒噉肉猶
故不失世業大耽昏者此則不得出家人若飲
酒噉肉若多若少皆斷佛種是則九不及居家
人不及外道不及居家略出所以各有九事欲
論過患條流甚多可以例推不復具言今日大
德僧尼今日義學僧尼今日寺官宜自警戒嚴

淨徒衆若其懈怠不遵佛教猶是梁國編戶一
民弟子今日力能治制若猶不依佛法是諸僧
官宜依法問京師頃年講大涅槃經法輪相續
便是不斷至於聽受動有干計今日重令法雲
法師爲諸僧尼講四相品四中少分諸僧尼常
聽涅槃經爲當曾聞此說爲當不聞若已曾聞
不應違背若未曾聞今宜憶持佛經中究竟說
斷一切肉乃至自死者亦不許食何況非自歿
者諸僧尼出家名佛弟子云何不從師教經言